



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

De Sathanæ tentationibus circa salutem acquirendam. tit. 164

**urn:nbn:de:hbz:466:1-29452**

Christum. Et hanc disciplinam exigit Deus etiam ab infidelibus, & præmijs corporalibus adornat, sicut Exo. 1. de obstetricibus, & etiam punit, sicut patet in Pharaone, qui submergitur, Exod. 14. cō quod ipse submersit contra præceptum Dei Exod. 20. Non occides.

Secundò, Homo habet animam. Et est nouus homo vel creatura, & secundum animam per fidem est sanctificata & iustificata, & habet iam ex gratia promissionis salutem æternam propter Christum, ita quòd opus non habet iustificationem hanc quærere à legis operibus. Est enim sibi Christus, iustitia, sanctificatio, & redemptio, 1. Corinth. 1. In illius gratia uiuit & consolatur. Et sic anima per fidem iustificata, iam non est sub lege, sed sub gratia Christi, per quam credit saluari, Acto. 13. & iustificari, à disciplina legis peruenit ad conscientiam, quæ sanatur sanguine Christi.

Tertiò, seruat tamen homo iustificatus hanc disciplinam legis, cæremoniarum, cultuum, religionum, &c. Primò, ad cohibendam carnem, quia lex pædagogus est, Galat. 3. Secundò, ad ordinem uitæ 1. Corinth. 14. Omnia in nobis fiant ordine & honesté. Tertiò, sunt media per quæ & apprehendimus & retinemus Christi dona Marc. 1. Pœnitementi, & credite Euangelio. Quartò, etiam Deus egregijs præmijs illa ornat spiritualiter & corporaliter, sicut patet in promissionibus legis, Exod. 20. Deuteron. 28. Leuit. 26. Qui ergo iuxta corpus uolunt esse liberi, & non sub lege, illi peccant in Deum & superioritatem. Propterea admonemur 1. Petr. 2. Subditi estote omni humanæ creaturæ &c.

DE SATHANAE TENTATIONIBUS CIRCA SALUTEM ACQUIRENDAM

TITVLVS CLXIII.

PRIMÒ

**P** R I M ò, sathanas inimicus nostræ salutis, plurimum laborat, vt nos impediat à salute: ideo aliquos sic tentat, vt iudiciat eos minùs securos tanquam non possent damnari, quia credunt Christum, pro eis natum & passum. Et hoc sufficit illis sine omni additione operum, semper id iactantes, sola fides saluat, &c. nec volunt audire, si quid illis dictum fuerit de operibus bonis. Illi non putant se posse damnari. Anabaptistæ dicunt, se non posse peccare. Alij putant, se operibus sufficienter meruisse vitam æternam. Hæc omnia tela & tentamenta sunt à sathana: contra illa dixit Dauid Psalm. 142. Non intres in iudicium cum seruo tuo Domine, &c. Cor. 4. Nihil mihi conscius sum, &c. Vana igitur illa fiducia est de Christo.

Secundò Apostolus dicit 1. Ioann. 3. Si cor nostrum nos non repræhenderit, tunc fiduciam habemus ad Deum &c. Sed quis gloriabitur se mundum habere cor, siue sit Anabaptista, vel Luteranus, aut iustitarius? Ideò licet hoc certum sit, quòd peccatum remittitur propter sanguinem propitiatoris Christi, tamen vt quis dicat, Credo certò mihi esse remissa peccata, non habens infirmitatis & conditionis suæ rationem, id est, non putans se indigere operum & fructuum pœnitentiæ, sed solùm esse iustum hæc fide, quia credit sibi remitti peccata propter sanguinem Christi, iudicio magis temerario, quàm scripturæ auctoritate fallitur Nam vtrunque connectit Christus Marc. 1. Pœnitemini & credite Euangelio. Maxime ergò cauenda est hæc carnalis securitas & fiducia.

Tertio sunt, quos Sathan per contrarium minus vexat in conscientijs, quòd maior illorum sit iniquitas, quàm gratia & misericordia Dei, sicut erat peccatum Cain, Gen. 4. Iudæ, Matthæ. 26. & 27. & sic desperant. Contra quos loquitur Apostolus Rom. 3. Gratia

gratia superabundat peccato. Nihil est in mundo, quod sit supra Deum. Deus est Dominus peccati, & Christus vicit peccatum, Ioan. 16. Cōfide, quoniam ego vici peccatum. Sic illi ex desperatione nullum volunt facere opus bonum, & cæt. dicentes: Ego damnatus sum, ad quid laborem?

Quartò, Media igitur ac moderata fiducia incendendum est. Non reijcere opera, quoniã media sunt, per quæ Deus distribuit vitam, & non sine his medijs, sed postquàm illa fecerimus, adhuc dicamus, Luc. 17. Serui inutiles sumus, quod debuimus facere &c. Subindè non desperemus, quoniã Christus mortuus est pro peccatis nostris, Roman. 4 & resurrexit propter iustificationẽ nostram. Et Dauid dicit Psal. 51. Cor contritum &cæt. Et sic inter præsumptionem fiduciæ sanctorum, & desperationem de venia, incedamus recta & media via, etiamsi opera non habent effectiuam dignitatem ad merendum, Habent tamen promissum ex gratia præmium in hac & post hanc vitam.

*LEGEM ATQUE PRAECE-*

*pta Dei an homo seruare possit.*

TITVLVS CLXV.

**P**rimò, Lex est doctrina præcipiens, quales nos esse, quid facere, & quid omittere debeamus, perfectam requirens in-terius in volutate & mente, & foris in opere obedientiam. Nam lex dicit Deut. 27. Maledictus, qui non permanserit &c, sicut igitur angeli in caelo Deo perfectè obediunt, sic lex requirit contententem animam. Romano. 7. Lex spiritualis est, &c, id est, nedùm operibus externis, sed etiam internis motibus debet impleri. Deuter. 6. Diliges Dominum Deum tuum ex toto corde tuo, &c.

Secundò, si vires naturæ nostræ oppressæ peccato respici-